



Broj:03-144-5.2/25
Sarajevo, 03.04.2025. godine

Na osnovu člana 69. Zakona o visokom obrazovanju („Službene novine Kantona Sarajevo“, broj: 36/22), člana 111. Statuta Univerziteta u Sarajevu od 26.07.2023. godine, Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu i na osnovu prijedloga odsjeka/katedri, Vijeće Univerziteta u Sarajevu – Akademije likovnih umjetnosti je na 50. redovnoj sjednici održanoj 03.04.2025. godine donijelo

ODLUKU

o kriterijima i mjerilima za rangiranje kandidata
za upis u prvu godinu II (drugog) ciklusa studija na Akademiji likovnih umjetnosti u Sarajevu
u studijskoj 2025./2026. godini

I

Pravo učešća na Konkursu, pod jednakim uslovima, imaju:

- a) državljani Bosne i Hercegovine i strani državljani sa završenim predbolonjskim ili prvim ciklusom studija Akademije likovnih umjetnosti, kao i studijem iste ili srodne umjetničke oblasti na drugom fakultetu/akademiji, koji se vrednuje sa najmanje 240(E)CTS studijskih bodova
- b) kandidati koji su završili studij po predbolonjskim nastavnim planovima i programima na drugim visokoškolskim ustanovama u Bosni i Hercegovini, kao i kandidati koji su prvi ciklus, odnosno predbolonjski studij završili izvan Bosne i Hercegovine, a za koje je nakon postupka priznavanja odnosno ekvivalencije/nostifikacije utvrđeno da imaju završeno adekvatno obrazovanje za nastavak školovanja (studij iste ili srodne umjetničke oblasti).
- c) pristup drugom ciklusu studija imaju i studenti koji su u prethodnom obrazovanju završili (3+2) studij, te u konačnici, nakon ranije okončanog prvog i drugog ciklusa imaju u zbiru minimalno 240(E)CTS (iste ili srodne umjetničke oblasti).

II

Na studijskim programima Slikarstvo, Kiparstvo, Grafika, Grafički dizajn, Produkt dizajn i Fotografija rangiranje kandidata se vrši na osnovu bodova koje kandidat ostvari na prijemnom ispitu.

Na Nastavničkom odsjeku rangiranje kandidata vrši se u zavisnosti od općeg uspjeha ostvarenog na I ciklusu studija ili VII stepenu predbolonjskog nastavnog plana i programa.

Preduvjeti za upis na Nastavnički odsjek:

- položena PPDM (Pedagoško - psihološko - didaktičko - metodička) grupa predmeta u minimalnom obimu od 26 ECTS bodova.



III

Ocjenjivanje kandidata na prijemnom ispitu vrše komisije koje imenuje Vijeće iz reda predmetnih nastavnika.

IV

Na prijemnom ispitu kandidati ostvaruju bodove po osnovu pokazanih rezultata iz sljedećih disciplina:

1. Bodovi - *uspjeh prethodnog studija*:

Prosjek ocjena	Bodovi
do 7	0
7,0 - 7,9	2
8,0 - 8,5	4
8,6 - 9,4	6
9,5 - 10	8

2. Bodovi - *ocjena priloženih radova*

- najmanje 10 vlastitih radova iz oblasti na koju se kandidat prijavljuje (u formi mape ili portfolija)

Za upis na fotografiju:

1. autorski tematski ciklus od 8-12 radova koji reprezentativno predstavlja kreativno djelovanje kandidata.
2. maketu fotografske publikacije (knjige) na slobodno odabranu tematsku cjelinu (obim: 16-24 stranice).
3. set od 8-20 fotografija različitog i slobodnog tematskog sadržaja (fotografije koje se razlikuju od fotografija predanih u prethodnom setu - tačka 1 i 2).

Bodovi za ocjenu priloženih radova izražavaju se prema utvrđenoj skali:

Ocjena priloženih radova - ocjena	Bodovi
5	0
6	2
7	4
8	6
9	7
10	8



3.1. Za studijske programe: Slikarstvo, Kiparstvo, Grafika, Grafički dizajn i Produkt dizajn

Bodovi - usmeno obrazloženje predložene teme (na osnovu *Prijedloga teme individualnog istraživačkog rada za II ciklus studija*)

Bodovi za usmeno obrazloženje teme izražavaju se prema utvrđenoj skali:

Obrazloženje predložene teme - ocjena	Bodovi
5	0
6	2
7	4
8	6
9	7
10	8

3.2. Za studijski program Fotografija

Bodovi – snimanje postavke u fotografskom ateljeu na ALU i usmeno obrazloženje predložene teme (na osnovu *Prijedloga teme individualnog istraživačkog rada za II ciklus studija*)

Bodovi za ocjenu snimanja postavke u fotografskom ateljeu na ALU i usmeno obrazloženje teme izražavaju se prema utvrđenoj skali:

Snimanje postavke u fotografskom ateljeu na ALU i obrazloženje predložene teme - ocjena	Bodovi
5	0
6	2
7	4
8	6
9	7
10	8

V

Kandidat na prijemnom ispitu može ostvariti ukupno 24 boda.

U izbor ne mogu ući kandidati koji na prijemnom ispitu nisu ostvarili **najmanje 14 bodova**, odnosno oni kandidati koji su iz jednog ili više zadataka dobili ocjenu 5 (pet), odnosno 0 (nula) bodova.

Prosjeck ocjena ukoliko iznosi 0 bodova nije eliminatoran.

VI

Kandidati mapu i *Prijedlog teme individualnog istraživačkog rada za II ciklus studija* predaju do datuma koji će biti utvrđen nakon objavljivanja Konkursa Univerziteta U Sarajevu.

Dokument *Prijedlog teme individualnog istraživačkog rada za II ciklus studija* je sastavni dio ove Odluke.



VII

Rang listu kandidata komisije sačinjavaju na osnovu popunjenog formulara „*Ispitni list*“, za svakog kandidata pojedinačno, a zatim za svaku oblast zbirno.

Rang lista, sa priloženim *Ispitnim listovima* dostavlja se Komisiji za verifikaciju, koja ostvarene bodove unosi u informacioni sistema eUNSA, na temelju čega se formiraju rang liste.

Koordinator rada komisija je prodekan za nastavu.

Prodekan, zajedno sa predsjednicima i članovima komisija, utvrđuje oblik i sadržaj „*Ispitnog lista*“ i dogovara ujednačenost kriterija za ocjene radova, kao i okvirni tekst pitanja za obavljanje razgovora sa kandidatima.

VIII

Komisije bodove unose putem informacionog sistema eUNSA najkasnije dva dana od dana završetka prijemnog ispita.

IX

Preliminarna rang lista svih primljenih i prijavljenih kandidata objavljuje se putem informacionog sistema eUNSA kao i na oglasnoj ploči/web stranici Akademije (pod šifrom koju su kandidati dobili prilikom registracije) nakon što je verificira Komisija, na datum utvrđen Konkursom.

X

Na preliminarnu rang-listu kandidati imaju pravo prigovora u roku od dva dana od dana objave iste, o kojoj je Vijeće Akademije likovnih umjetnosti obavezno donijeti odluku u roku od jednog dana. Odluka Vijeća po prigovoru je konačna.

Nakon isteka žalbenog roka Komisija je obavezna u eUNSA sistem unijeti i verificirati rezultate po uvaženom prigovoru. U slučaju uvaženog prigovora koji utiče na rangiranje kandidata unutar odobrene kvote, kvota se proširuje za broj kandidata kojima su uvaženi prigovori u statusu za koji konkurišu.

XI

Konačna rang lista kandidata koji su stekli pravo na upis u svim statusima objavljuje se na informacionom sistemu eUNSA kao i na oglasnoj ploči/web stranici Akademije u skladu sa datumima utvrđenim ovim Konkursom.

XII

U roku od 5 radnih dana od dana objave konačne rang liste, kandidat koji je ostvario pravo na upis je obavezan dostaviti originale dokumenata koje je postavio na web stranici i izvršiti upis; u suprotnom, smatra se da je odustao od upisa na studijski program za koji je aplicirao.



Univerzitet u Sarajevu
University of Sarajevo



Akademija likovnih umjetnosti
Academy of Fine Arts

XIII

Konkursom za upis studenata u prvu godinu studija na Univerzitetu u Sarajevu u akademskoj 2025./2026. godini će biti detaljnije raspisani prijavni rokovi, opće odredbe odluke o kriterijima i mjerilima za utvrđivanje redoslijeda prijema kandidata za upis u prvu godinu studija, dokumenti potrebni za online prijavu na konkurs, kriteriji i mjerila za bodovanje i upis kandidata kao i upis kandidata.

XIV

Ova odluka stupa na snagu danom donošenja.

D e k a n

s.r. Prof. dr. Dubravka Pozderac - Lejlić

Dostaviti:

- *web stranica ALU*
- *Sekretar ALU*
- *Služba za nastavu i studentska pitanja*
- *arhiva - protokol*



Univerzitet u Sarajevu
University of Sarajevo



Akademija likovnih umjetnosti
Academy of Fine Arts

Broj:03-144-5.2-1/25
Sarajevo, 03.04.2025. godine

Predmet: Stručno mišljenje

Na osnovu člana 127. Statuta Univerziteta u Sarajevu od 26.07.2023. godine mišljenja sam da predmetna odluka, sačinjena na osnovu prijedloga odsjeka ALU, nije u suprotnosti sa zakonskim i podzakonskim propisima.

Vijeće članice nadležno je za usvajanje predmetne odluke u skladu sa članom 69. Zakona o visokom obrazovanju („Službene novine Kantona Sarajevo“, broj: 36/22).

Sekretar
s.r. Elma Dozo, dipl. pravnik